

**Lescha da salarisaziun  
dalla vischnaunca da Falera**

# Lescha da salarisaziun dalla vischnaunca da Falera

## art. 1

Questa lescha da salarisaziun normescha l'indemnisaziun da tuttas autoritads e cumissiuns communalas e dils emploiai da vischnaunca, nunche prescripziuns specialas stipuleschien enzatgei auter.

Intschess  
pertuccau

## art. 2

Il pensum dil president communal vegn fixaus sin 20-60 % d'ina piazza cumpleina.

President  
communal,  
pensum da lavur

Il pensum da lavur sedrezza mintgamai tenor il model da gestiun che vegn elegius resp. fixaus dalla suprastanza communal.

## art. 3

Il president communal vegn indemnisaus cun ina pauschala annuala da CHF 150'000.— quintau sin in pensum da lavur complein da 100 %.

Indemnisaziun  
president  
communal

En quella indemnisaziun ei cumpriu tutta lavur prestada e sesidas sco president communal.

Per lavurs en cumissiuns ni incaricas specialas vala art. 7.

L'indemnisaziun da spesas sedrezza tenor art. 5.

Per las prestaziuns e segiradas socialas valan las medemas prescripziuns sco per il persunal da vischnaunca.

## art. 4

Ils geraus obtegnan in fixum annual da CHF 5'000.— . Quella summa vala per tutta lavur generala ordinada tenor constituiziun.

Geraus

Supplementarmein vegn indemnisau:

- tutta lavur prestada ni sesidas sco representant dalla suprastanza giu digl intschess da vischnaunca.
- spesas (telefons, portos eav.).

Per mintga sesida da suprastanza survegnan ils geraus aunc supplementar ina indemnisaziun da CHF 80.— .

## **art. 5**

Spesas

Per viadis vegnan las spesas per il bigliet da secunda classa restituidas.

Per las spesas d'auto e tschaveras valan las prescripziuns dil cantun.

Per spesas da porto, telefons eav. vegnan ils cuosts effectivs ni ina pauschala annuala pagai.

## **art. 6**

Schurnadas

Aschinavon che la lavur vegn indemnizada supplementarmein valan las normas suandontas:

- per ina schurnada (minimum 8 uras) CHF 300.—
- per ina mesa schurnada (minimum 4 uras) CHF 150.—
- per in'ura CHF 35.—

## **art. 7**

Cumissiuns

La lavur da tut las cumissiuns communalas e persunas cun incaricas specialas vegn indemnizada sco suonda nun ch'in regulativ ni conclus special prevedien enzatgei auter:

- per sesida CHF 80.—
- per lavurs (tenor art. 6)
- restituziun dallas spesas effectivas  
(spesas da viadi, auto, tschaveras eav. tenor art. 5).

## **art. 8**

Presidis

Il president dalla cumissiun da baghegiar obtegn ina indemnizaziun da CHF 2'000.— per onn.

En quella indemnizaziun ei tutta lavur generala cuntenida (exclus sesidas dalla cumissiun da baghegiar). Per incumbensas specialas valan las prescripziuns da questa lescha.

## **art. 9**

Actuars

Igl actuar dalla cumissiun da baghegiar sco era actuars da cumissiuns obtegnan ina indemnizaziun da CHF 50.— per protocol.

## **art. 10**

Emploiai da vischnaunca

Ils luvriers ed emploiai da vischnaunca sco era auters gidonters vegnan indemnizai tenor contract u tenor paga currenta. La suprastanza communal fixescha mintgamai all'entschatta digl onn l'altezia dalla indemnizaziun.

Per l'indemnizaziun da lavurs ordeifer il temps da lavur ordinari (radunonzas communalas, votaziuns, cumissiuns eav.) vala art. 7.

**art. 11**

Per tutta lavur supplementara e per tuttas spesas ei da presentar in quen cun indicar cuortamein la lavur prestada. Quens

**art. 12**

En general duein ils quens esser visai dil cau dil departement. Visar ils quens

**art. 13**

En cass dispeteivels decida la cummissiun da gestiun sur dallas indemnisaziuns per lavurs supplementaras dils departements e d'auters officials. Cass dispeteivels

**art. 14**

Questa lescha ei vegnida approvada dalla radunonza communal dils 16-6-2023. Vigur

El passa en vigur igl 1-7-2023.

Il president communal

Il scarvon

Wendelin Casutt

Adrian Vincenz